

Na osnovu člana 3. Zakona o komunalnim taksama Bosansko-podrinjskog kantona Goražde („Službene novine BPK-a Goražde“, broj: 16/11; 15/14) , člana 13. stav 2. alineja 4. Zakona o principima lokalne samouprave u Federaciji Bosne i Hercegovine („Službene novine Federacije BiH „ broj: 49/06 i 51/09), i člana 18. stav 2. alineja 4. i člana 84. Statuta Općine Goražde („Službene novine Bosansko-podrinjskog kantona Goražde“, broj:13/07), Općinsko vijeće Općine Goražde na _____sjednici održanoj dana _____donosi:

ODLUKU O VISINI KOMUNALNIH TAKSA

I – OPŠTE ODREDBE

Član 1. (Predmet)

Ovom Odlukom utvrđuje se visina komunalnih taksi na području Općine Goražde u skladu sa Zakonom o komunalnim taksama Bosansko-podrinjskog kantona Goražde.

Član 2. (Kriteriji za utvrđivanje takse za istaknutu firmu)

Za svaku istaknutu firmu, oznaku, obilježje ili natpis na poslovnim i drugim prostorijama, objektima i slično, kojima se označava da određeno pravno ili fizičko lice obavlja registrovanu djelatnost ili zanimanje, zavisno od lokacije i načina isticanja, utvrđuje se godišnja taksa.

Visina takse iz predhodnog stava utvrđuje se sa tarifom koja je sastavni dio ove Odluke.

Član 3. (Zone)

I ZONA se određuju granicama I zone utvrdjenom općinskom Odlukom o određivanju gradskog građevinskog i ostalog građevinskog zemljišta i zoniranju („Službene novine BPK-a Goražde“, broj: 12/04).

OSTALE ZONE su sve zone izuzev I Zone utvrdjene općinskom Odlukom o određivanju gradskog građevinskog i ostalog građevinskog zemljišta i zoniranju („Službene novine BPK-a Goražde“, broj: 12/04).

II – TARIFA KOMUNALNIH TAKSI

Član 4.

Tarifni broj 1.

Za svaku istaknutu firmu, oznaku, obilježje ili natpis na poslovnim i drugim prostorijama, objektima i slično, kojima se označava da određeno pravno ili fizičko lice obavlja registrovanu djelatnost ili zanimanje, zavisno od lokacije i načina isticanja, plaća se godišnja taksa kako slijedi:

Red .br.	Opis	I ZONA	OSTALE ZONE
1.	Subjekti koji oznake, obilježja i natpise ističu na izuzetno atraktivan način, te na izuzetno velikim površinama, a to su pravna i fizička lica iz oblasti distribucije nafte i naftinih derivata, oblasti telekomunikacija, iz oblasti bankarstva, iz oblasti igara na sreću (kasino, lutrija, loto, tomobla, bingo, sportska kladionica, sportska prognoza i td.)...	3.600,00 KM	3.000,00 KM
2.	Subjekti koji oznake, obilježja i natpise ističu na atraktivan način i /ili na izuzetno velikim površinama, a to su pravna i fizička lica iz oblasti osiguranja i reosiguranja (osiguravajuća društva), iz oblasti proizvodnje i distribucije električne energije, tržni centri i hiper marketi...	2.400,00 KM	2.000,00 KM
3.	Subjekti koji oznake, obilježja i natpise ističu na atraktivan način i na velikim površinama, a to su pravna i fizička lica iz oblasti proizvodnje duhana i alkoholnih pića, iz oblasti poštanskih usluga, iz oblasti mikrokreditnih organizacija i brokerskih kuća, tržnice i pijace, u oblasti ugostiteljstva- hoteli, moteli...	1.200,00 KM	1.000,00 KM
4.	Subjekti koji oznake, obilježja i natpise ističu na atraktivan način i na manjim površinama, a to su pravna i fizička lica u oblasti pružanja tehničkih usluga - tehnički servisi, u advokatskoj djelatnosti, u notarskoj djelatnosti, u oblasti privatne zdravstvene zaštite i privatne apoteke...	1.000,00 KM	800,00 KM
5.	Subjekti koji oznake, obilježja i natpise ističu na manje atraktivan način i/ili na manjim površinama , a to su pravna i fizička lica iz oblasti proizvodnje bezalkoholnih pića, oblasti proizvodnje električne energije u mini elektranama, oblasti industrijske proizvodnje koja nije obuhvaćena drugim tačkama, iz oblasti građevinske djelatnosti, iz oblasti međunarodnog transporta roba i usluga, iz oblasti ostalog prevoza robe i putnika, iz oblasti vanjske trgovine, u oblasti zdravstvene zaštite životinja...	700,00 KM	700,00 KM
6.	Subjekti koji oznake, obilježja i natpise ističu na manje atraktivan način i na manjim površinama, a to su pravna i fizička lica iz oblasti trgovine koju obavlja pravno lice u poslovnim jedinicama, drugim objektima, te iz oblasti trgovine koja se obavlja na ostalim prodajnim mjestima, oblasti ugostiteljstva – pensioni, barovi, restorani, oblasti ugostiteljstva – aščinice, ćevabdžinice, te objekti u kojima se toče alkoholna i bezalkoholna pića, knjigovodstvene usluge (biroi) i sl...	400,00 KM	300,00 KM

7.	Subjekti koji oznake, obilježja i natpise ističu na manjim površinama i na način koji nije atraktivan, a sto su pravna i fizička lica iz oblasti ugostiteljstva – bosanske kafane i ostali objekti u kojima se ne toče alkoholna pića, samostalne zanatske radnje i iz ostalih nepomenutih oblasti...	120,00 KM	100,00 KM
----	---	------------------	------------------

Ako se pod jednom firmom obavlja više djelatnosti za koje je propisana različita taksa, taksa se utvrđuje i plaća za djelatnost za koju je propisana najviša taksa.

Ove naknade se obračunavaju i plaćaju na mjesečnom nivou ako je prošlo manje od godinu dana od dana isticanja firme, oznake, obilježja ili natpisa.

Stari zanati, nisko akumulativna i deficitarna zanimanja koja su utvrđena posebnom Odlukom Skupštine BPK Goražde, oslobođeni su plaćanja komunalnih такси iz ovog tarifnog broja.

Tarifni broj 2.

Za iznajmljivanje nekretnina licima koji nisu državljani BiH za jedno lice plaća se dnevno ... 2,00 KM.

Naplatu takse po ovom tarifnom broju vrši lice koje je vlasnik ili korisnik nekretnine koja se izdaje.

Tarifni broj 3.

Za držanje sredstava za zabavne igre i držanje aparata za igre na sreću koji donose novac plaća se godišnje po jednom komadu, odnosno predmetu ili aparatu, kako slijedi:

1. na bilijar – stolove, flipere, automate, pikado, plejstejšn, kompjutere i druge uređaje za priređivanje igara za zabavu, odnosno druga sredstva za igru gdje je dobitak isključivo u određenom broju igara ... 200,00 KM
2. na aparate od igara na sreću koji donose novac ... 1.200,00 KM

Pod aparatima za igre na sreću koji donose novac podrazumijevaju se elektronski ili mehanički aparati, kompjuteri ili drugi uređaji koji se koriste za igre na sreću, odnosno koji tokom igre omogućavaju igraču dobitak u novcu ili žetonima koji su naplativi u novcu .

Ako sredstva za igru počnu koristiti ili prestanu koristiti u drugom polugodištu taksa se umanjuje do 50%.

Tarifni broj 4

Za držanje muzike uživo u ugostiteljskim i drugim objektima, te na otvorenom prostoru plaća se dnevno 100,00 KM

Tarifni broj 7

Za korištenje slobodnih površina za kampovanje, deponije materijala i drugu privremenu upotrebu plaća se dnevno :

- za svaki šator 1,00 KM
- za kamp - prikolicu1,00 KM
- za automobil1,00 KM

Naplatu takse po ovom tarifnom broju vrši nadležni organ koji upravlja slobodnim površinama.

Član 5.

(Plaćanje taksa)

Sredstva od uplate komunalnih taksi su prihod Općine i uplaćuju se na depozitni račun javnih prihoda Općinskog budžeta u poslovnoj banci.

Član 6.

(Stupanje na snagu)

Ova Odluka stupa na snagu osmog dana od dana objavljivanja u Službenim novinama Općine Goražde, a primjenjivat će se od 01.01.2016.godine.

Broj:
Goražde,

PREDSJEDAVAJUĆA OPĆINSKOG VIJEĆA
